

247. Inth. coll. 27. VII. 14.5
DISSERTATIO

INAUGURALIS MEDICO - PRACTICA

PERTRACTANS

DIFFERENTIAS INTER

RHEUMATISMUM

ET

ARTHRITIDEM.

QUAM

SENSU ET AUCTORITATE

ILLUSTRISSIMI AC MAGNIFICI

DOMINI

PRAESIDIS ET DIRECTORIS,

CLARISSIMORUM AC CELEBERRIMORUM

D. D. PROFESSORUM,

PRO

DOCTORIS MEDICINAE ATQAE CHIRURGIAE

LAUREA, SUMMISQUE IN MEDICINA ET CHIRURGIA

HONORIBUS AC PRIVILEGIIS RITE AC LEGITIME

CONSEQUENDIS IN


CELEBERRIMA ACADEMIA JOSEPHINA

MILITARI PUBLICAE DISQUISITIONI SUBMITTITUR

Josephus Slawik,

Čechus Reginaehradecensis,

Medicus Castrensis.



In Theses adnexas disputabitur in palatio Academiae Josephinae die 2. Mensis Junii anni MDCCCXXXIV.

VINDOBONAE.

TIPIS LEOPOLDI GRUND.

(Währingergasse Nr. 275.)

K. u. k. Militär-ärztliche Bibliothek					
Standort	Zimmer		Katalog	Abth.	
	Kasten			Gruppe	
	L. Nr.			Nr.	

Qui bene distinguit, bene medebitur.

Schmalz.

Vom Rheumatismus lässt sich die Gicht nicht durch ein einzelnes Kennzeichen, sondern nur durch die Zusammenstellung mehrerer unterscheiden.

Scudamore.

VITRICO SUO

PERDILECTO, BENEFACTORI AESTIMATISSIMO

JOANNI MICHAL,

ARTIS PHARMACEUTICAE MAGISTRO

IN PERENNIS GRATITUDINIS, PII AMORIS

ET SUMMAE VENERATIONIS

MONUMENTUM

HAS SCIENTIARUM ACADEMICARUM PRIMITIAS

SACRATAS ESSE VULT ET DEDICAT

gratissimus filius

Auctor.

ALBERTO EDO

ALBERTO EDO (1871-1941)

JOHN NICHOL

JOHN NICHOL (1871-1941)

JOHN NICHOL (1871-1941)

JOHN NICHOL (1871-1941)

JOHN NICHOL

JOHN NICHOL (1871-1941)

JOHN NICHOL (1871-1941)

JOHN NICHOL
1871-1941

Medici antiqui Rheumatismum quoque ac arthritidem ab una eademque causa, suppressa enim transpiratione cutis per refrigerium, quo materia peculiaris vaporosa ad eliminandum destinata, in fluidum densa, ad articulationes deposita, unice et unilateraliter deduxerunt, quod jam denominationes veteres, *uti defluxio ad articulos, fluxus, Rheuma, gutta*, sat demonstrant, quali ex theoria erronea multae confusiones exortae sunt, ita, ut perscrutanti libella eorum vix palam fit, an sit sermo de Rheumate an de Arthritide.

Galli Bollonius et Nicol Chênott, (prior intractatu de Rheumatismo Paris 1642,

posterior, in observationum libr. V. Paris. 1672), nec non scrutator naturae fidelis *Sidenhamus* (anno 1735. Opp. omnia. Venetiis fol. 157. et seq.), primi meritum in separando, atque naturam utriusque morbi confirmando sibi conciliavere, priores naturam Rheumatismi posterior in classico suo tractatu de Podagra, Arthritidis confirmavere.

His recentiones sequuti, profundiusque morbos indagantes differentias sat multas atque essentielles, quoad originem, dispositionem, diversi temporis evolutionem, causas excitantes, sedem, symptomata, decursum, terminationes, prognosim, methodum medendi invenere. His sequens et ego differentias singulorum momentorum istorum inter Rheumatismum et Arthritidem in pagellis meis exponere conabo, et quintu-

plici respectu morbi isti a se invicem differre videntur.

I. Quoad essentiam, seu determinationem.

II. Quoad etiologiam et quidem.

a) Quoad causas disponentes.

b) Quoad causas occasionales.

III. Quoad symptomatologiam sedem decursum, exitum.

IV. Quoad Prognosim.

V. Quoad Therapiam.

I.

Differentia quoad Essentiam.

Rheumatismus (quo sub nomine generico omnes species et denominationes auctorum colligo, Rheuma recens, afebrile, Rheuma chronicum s. inveteratum, s. habituale, s. crymodinia, febris rheumatica, inflammatio rheumatica et quidem nevritica, splanchnica, Rheuma artuum, articulorum, Arthrophlogosis: Arthritis rheumatica), est morbus sui generis, consistens in morbosa congestione seu irritatione inflammatoria organorum membranaceorum, humores serosas conducentium et secernentium, quae a turbata functione cutis, *in specie ex sup-*

pressa functione transpirationis per refrigerium producta, cujus essentialia symptomata, *tensiones inamenaes et dolores vagi, lacernantes et lacinantes* sistunt, quae iterum secundum irritabilitatem et sensilitatem individui, aut partis adfectae, secundum in et extensitatem causae occasionalis, secundum stadium morbi, varie modificati inveniuntur.

Syphilis scōrbutus, discrasia carcinomatosa pluresque aliae, imprimis efflorescentiae cutaneae suppressae scabies, Herpes, Tinea, Blenorrhoea dolores rheumaticis similes producunt, quae sub nomine Rheumatismi spurii obveniunt, a quibus Rheumatismus proprie sic dictus sede, causa occasionali et symptomate characteristico, nempe dolore proprio vagoque discernitur (F. ab *Hildenbrand* inst. pract. med. T. III

et a *Raimann* o. c. I. Band, pag. 144, 146.)

Arthritis (cui, nomini generico omnes modificationes et formas Arthritidis, uti morbus articularis, gutta, Podagra, passio podagrica, Chiragra subjicio), est morbus specificus et universalis, ex specifica affectione organorum vitae plasticæ inservientium, inprimis digerentium praecipue *hepatis* exortus, cum se et excretionibus quantitate et qualitate pecantibus, inprimis *bili*, *urina* salibus et acido orbata, *transpiratione cutanea* retardata, conjunctus, ad gradum majorem evectus, febre specifica arthritica, nonnunquam phlogosi articularum extremorum, et nisu in secretiones morbosas humorum, calcis phosphate impregnatorum, stipatus. Inprimis secretiones qualitate turbantur, minori copia evehuntur, inprimis

urina, cujus non solum ingenere minus excernitur, sed et sales phosphorici, ad ejiciendum destinati, retinentur, vel saltem ab alio collutorio imperfecte evacuantur, aut vasis capillaribus alius cujusdam Organi, inprimis ligamentorum articularum, vaginalium tendinum insufficienter et incongrue excernuntur. (F. C. L. Kreysig's Handbuch der practischen Krankheitslehre. Leipzig und Altenburg. a. Kaimann o. c. 2. Theil. Seite 502. Berend's Handbuch der practischen Arzneiwissenschaft. 4. Band. Seite 201 et seq.)

II.

Differentiae quoad Aetiologiam.

A. Quoad causas disponentes.

1. Dispositio propria ad Rheumatismum non datur, nisi ad illam cutem teneram debilem, emollitam, contra vicissitudines aëris nimis sensilem adnumerare velis, et homines ceteroquin sanissimi repente ab ipso corripuntur.

Dispositio ad arthritidem vero, est propria et peculiaris, consistens in turbis organorum digestionis, inprimis hepatis, nec non in plethora abdominali, ante 30^{simum} annum raro sesse volvit et ante introitum febris, dolorumque, per plures annos prae-

cedit. Arthritis sine peculiari dispositione
sesse evolvere non potest. (*Berends Hand-
buch. 4. Bd. S. 187.*)

2. Rheumatismus semper est morbus ac-
quisitus.

Arthritis autem hereditate a patre ad
filios, nepotes etc. etc. transplantatur, quod
Boerhaave (Aphoris 1255), *Fr. Hofmann*
(opp. C. de generatione Sect. I. C. 10.), *Si-
denham* (opp. de Podagra p. 158.) *Stark*
(Handbuch zur Erkenntniß und Heilung innerer
Krankheiten. Jena 1800. 1. Thl. S. 77.) et
Berends (o. c. p. 184.) testantur.

3. Rheumatismus nemini hominum, nul-
lius sexus, nulliusque aetatis parcit, eos-
que omni tempore sub data occasione
sufficiente ingruit.

Arthritis autem magis aetati seniori,
virili, aut adhuc proveciori a 30 usque

citer 60 annorum est congruus, rarius feminae, nisi sint vetulae aut viragines, aut virili habitu prebitae seu in annis climatericis versantes, hystericæ hoemorrhoidibus laborantes, adhuc rarius juvenes rarissime autem infantes ab Arthritide corripuntur. (*Sidenham, Selle, Kreisig, Berends.*)

4. Habitus rheumaticus peculiaris non datur.

Arthriticus habitus revera dignoscitur, certo tempore sese evolvit, constitutione robusta, pastosa, plethorica, cranio grande, ossibus magnis (*Sidenham*) thorace amplo, venis tumescentibus, fibra laxa, temperamento sanguineo, aut choleroico, aut choleroico melancholico, digestionem et assimilationem rapida sese manifestans. Sensibilitas et irritabilitas eorum est adaucta, imaginatio vivida, ingenium acre, Bacco et Cereri li-

benter libant, citto digerunt, sed praemature turbis digestionis, praesertim obstructionibus abdominalibus exponuntur. (*Sidenham Barthez.*)

B. Quoad causas occasinales.

1. Rheumatismus semper una eademque; semperque nota excitatur causa occasionali suppressione transpirationis cutis per refrigerium; haec causa cito agit, et Rheumatismus brevi insequitur.

Arthritidis causae sunt multiplices, magis pertinaces, diutius durantes, et sensim sensimque agunt, omnesque inprimis ad abdomen spectantes, et arthritis successive evolvitur. Refecuntur at causas Arthritidis.

a) Nutrimenta quantitate et qualitate peccantia, nimia copia ingesta, polytrophica, stimulantia, pingua, aromatibus condita, inprimis abusus victus anima-

lis, carnis ferarum, animalium saginatorum, casei.

b) Abusus potuum spirituosorum, inprimis vini recentis acris vel aciduli, Austriaci, Rhénani, Campanensis, Portensis, vini e pomis, liquorum fermentatorum, caldae anglicae (Punsch).

c) Abusus Veneris, Venus praematura, immodica, nimis frequens, evagans, Onania.

d) Animi adfectus et pathemata excitantia et deprimentia, ira frequens, vehemens, reiterata, curae, metus, timor, invidia, diu affligentia. Causae istae jam ob omni aevo Arthritidi ansam dedisse, omnes consentiunt auctores, et signanter Roolei dicit, Bacchus hujus infantis pater, Venus mater et ira obstetrix est.

e) Intentiones corporis nimiae, inprimis

mentis, studia mox post prandium inchoata aut pervigilia studiis expleta.

f) Vita otiosa, sedentaria, deses, cui antea vita activa praecedebat, somnus nimis protractus, ventriculus opletus ante somnum.

g) Efflorescentiae cutaneae et secretiones variae suppressae, imprimis bilis, urinae, sudoris, alvi, aër impurus humidus, aut nimis calidus.

h) Etiam contagio specifico transplantatur, quod in sudore haeret, et contactu mediato exoriri potest (v. *Hellmont*, v. *Swieten*, *Stark*, *Berends*).

Arthritis non refrigerio per se exoritur, hinc aegroti sub insultu, nunquam refrigerium sed potius pressionem aut ictum ceu causam accusant (*Schmalz*).

Cuiusque insultui novo rheumatico refri-

gerium qua causa subest. Arthritici insultus sine causa nova perdurant.

2. Rheumatismus semper influxibus externis causatur, hisque adstringitur, morbus est quoad originem semper fortuitus.

Arthritis causis internis evolvitur, sustinetur, hinc nunquam fortuitus, sed morbus internus in et per se.

3. Rheumatismus nunquam quid contagii recludit, nec more contagiorum transplantatur, licet Rheumatismus epidemice et endemice regnans ob vicissitudines temporum atque locorum non raro reperitur.

Arthritidem quidquid contagii continere et sudore transplantari posse, multis observationibus probatum (*Berends*) Arthritis saepissime sporadice obvenit, licet

Stollus 1782 epidemiam arthriticam observavit. (Rat. med. P. V. p. 430).

4. Ostium, quo causa occasionalis Rheumatismum creat, unicum cutis est.

Atria Arthritides sunt omnia organa, que digestioni et assimilationi inserviunt, licet etiam cutis ad sustinendam et provocandam Arthritidem suam contribuere potest.

III.

Differentia quoad Symptomato- logiam.

1. Rheumatismus causa externa repente exoritur, nullum habet stadium praeparationis.

Arthritis qua morbus evolutionis pedetentim et tarde praeparatur, sensim sensimque organa proserpit, et paroxysmi sunt quasi molimina naturae, materias exortas noxas *critice* quasi in locum quendam depoenendi, hinc habet stadium prodromorum, exoritur in aetate adultiori, Therapia est difficilior (*Richter*).

2. Rheumatismus non habet stadium prodromorum.

In Arthritide semper istud observatur, idque characteristicum, molimina ad Arthritidem Disarthritidis dicta, quae per hebdomadas, menses imo annos praecurrunt, et prodromis Hypochondriae, Haemorrhoidum similima sunt.

Ista molimina ad Arthritidem sunt triplici generis, consistunt

a) In turbata digestionem, dolor premens, gravans in ventriculo, ructus acidi, amari, intumescencia abdominis, sapor inamoenus lingua et cavum oris muco albo oblecta, polycholia, status pituitosus, blenorreae, alvus aut obstipa aut laxa.

b) In passione jam incipiente organorum topicae affectionis, sensatio frigoris in extremitatibus vagans, sensatio ventri ibi sursum et deorsum scandentis, vel

guttarum frigidarum decidentium, alias tensio spasmodica, gravitatis aut caloris ibidem sensatio.

c) In perturbata sensilitate, morositas, pigrities, animus depressus, affectus hypochondriaci, haemorrhoidum et mensium ataxiae, pulsus accelleratus, irregularis, aspectus deformis, collapsus.

3. Febris in Rheumatismo secundum gradum illius est minor aut gravior, sed semper cum nota inflammatoria, frigus subsequensque calor major, pulsus frequens, plenus duriusculus aut durus, sitis magna, urina rubra, flammea, sanguis emissus crustam format inflammatoriam, et ad vespertas adaugetur.

Febris Arthritica, quae ab affectione locali inprimis dependet, aut plane nullo frigore, potius horripilatione intrat, calor

subsequens minoris gradus, pulsus quidquam frequentior ab initio duriusculus; mox mollis, mordinatus, urina turbida, sitis fere nulla (*Vogel, Haase*).

4. Affectio localis in morbis utrisque est simillima, et causam sistit, quod isti morbi saepius confundantur. Inflammatio articulorum rheumatica semper est vehementior quam arthritica, in singulis momentis destrinquitur.

a) Quoad articulos adfertos, Rheumatica affectio plerumque in articulis maioribus, humeri, cubiti, genu, rarissime in articulis digitorum sedem habet.

Arthritis vero praeter articulos majores, et minores, digitorum manus et pedis corripit (*Podagra, Chiragra, Schmalz*).

b) Quoad dolorem. In Rheumatismo est lancinans, scindens, pungens, premens,

adstringens , calore lecti adaugens ,
aequabiliter divisus (*Schmalz*).

In Arthritide premens, mordens, rodens
ardens, quasi a ferro candente, in uno puncto
concentratus, quasi ab instrumento intruso
(*Schmalz*) et calore lecti diminuitur.

c) Quoad ruborem. In Rheumatismo est
rubor levis, superficialis, nonnunquam
plane abest, si affectio profundius haeret.

In Arthritide semper est praesto, erisipelaceo similis, non circumscriptus.

d) Quoad tumorem. In Rheumatismo plane nullus conspicitur, nisi partes superficiales corripiantur, ubi levior.

In Arthritide semper adest, est visibilis,
et si apparet, tunc febris et dolores remittunt,
est aut duriusculus aut oedematosus, mollis,
aut vehementior, aut parum, aut plane non
dolens, magnus et perstans (*Schmalz*.)

e) In Inflammatione rheumatica cutis non desquamatur.

In Arthritica cuticula aut furfurum aut squamularum forma decedit.

5) In Rheumatismo affectiones a partibus perifericis ad centrales migrant.

In Arthritide a partibus in ad externas.

6) In Rheumatismo nullus adest nisus in formandos calculos, aut producendas excrescentias osseas (*Tophi*).

Arthritidem saepissime morbi viarum urinalium aut haemorrhoides concomitantur, aut cum ista in nexu versantur (*Stoll a Raimann.*)

7) Rheumatismus mox plures articulos plectit.

Arthritis raro plures, sed plerumque unum alterumque articulum (*Stoll*).

8) Sudores in Rheumatismo errumpen-

tes sunt magis symptomatici, non relevant, nec acidum redolent, nec sunt viscosi.

Sudores in Arthritide acuta post singulos paroxysmos erumpentes, revera critici pro parte adfecta sunt, levamen adferunt, crassi viscidi, acidum redolentes, exsiccati pulverem cretaceum mollem, nitentemque praestant (*Stoll, Scudamore.*)

9) Rheumatismus ab initio vagus, si diutius perstat, magis in uno loco fixus evadit.

Arthritis quo junior, eo magis fixa, quo vetustior, eo magis vaga.

IV.

Differentiae quoad Prognosim.

1) Rheumatismus licet dolorificus plus timores quam periculi incutit. (ab *Hildenbrand.*)

Arthritis vero semper est morbus gravis, valde trucidans, imo periculosus, saepius perniciosus.

2) Rheumatismus in primo suo exordio facile tolli potest, imo conducit vix erumpentem suffocare.

Arthritis semel exorta, violenter suppressa magnas et periculosas producit turbas, et sensim sensimque est extinguendus.

3) In genere Rheumatismus est morbus levior, et partes internas petens, nun-

quam periculi expers, tamen facilius
curandus therapia juste adhibeta.

Arthritis partibus internis periculosior, et
cardialgias, colicas, astma, imo apoplexiam
conducere valet.

4) Juvenes Rheumatismo correpti, illo-
que liberati longam adhuc vivunt vitam.

Arthritici juvenes vix longum adtingunt.

5) Rheumatismus saepe citissime tollitur.

Arthritis semper longum atque pro-
tractum exposcit tractamen.

V.

Differentiae quoad Therapiam.

Rheumatismus, omnium symptomatum peculiarium expers, sine omnibus paroxysmis peculiaribus, Therapia generali, secundum stadia istius et gradum modificata, sanatur, et cura est semper aequalis.

Arthritis secundum illius stadia, prodromorum, paroxysmi, et post paroxysmum, therapiam exposcit in quolibet stadio varie modificatam et stadio adaptatam, ita partim prophylacticam, mox palliativam, mox solventem, mox specificam.

- 1) Quum in Rheumatismo febris plus minusve ad synocham accedat, inflammationibus plus minus gravibus stipata,

hinc apparatus antiphlogisticus toto in ambitu cum sanguinis depletionibus universalibus et localibus nec non Nitro frequentius concedendus.

Experientia teste Arthritis, etiam acuta, sanguinis depletiones rarius bene fert, nisi inflammationes graviores organorum nobilium uti Encephalitis, Pneumonia accessa etc. illas exposcat, et tum summa cum circum spectione instituenda, nisi malum arthriticum loco sanandi, exasperare malis.

L i t t e r a t u r a.

Hirsehorn, Dissertatio, sistens Arthritis et Rheumatismi diagnosim. Erlang. 1787.

Ascher, tentamen, qua ratione Rheumatismus ab Arthritide differat. Götting. 1791.

Richter, specielle Therapie, nach den hinterlassenen Papieren herausgegeben von *G. A. Richter*.

S. C. Vogel, Handbuch für practische Aerzte. Wien 1828. 2. Bd. S. 110. §. 131.

D. K. G. Schmalz, Versuch einer medic. chirurgischen Diagnostik in Tabellen. Dresden und Leipzig 1825. Fol. S. 15 u. 16.

J. N. Edler von Raimann, Handbuch der speciellen medicin. Pathologie und Therapie. Wien 1826. 1. Theil. S. 409. §. 454, und 2. Theil. S. 503. §. 1281.

D. Chr. Selle, medicina clinica, oder: Handbuch der medicinischen Praxis.

Theden, Unterricht für die Unter- und Wundärzte etc. 2. Auflage. S. 200.

J. Adamek, Dissertatio inaug. medica. Viennae 1830.

Theses defendendae.

1. Rheumatismus ab Arthritide differt, et quidem essentialiter.
 2. Formulae medicamentorum nimis compositae raro rationales.
 3. Arthritis in organis abdominalibus causam invenit suam.
 4. Differt Typhus a feбри nervosa.
 5. Organismus humanus non vivit pari viper omniae sua systemata et organa omni tempore.
 6. Diarrhea purgantibus, vomitus emeticis saepe optime tollitur.
 7. Per extirpationem mammae carcinomatosae cura radicalis induci non potest.
 8. Salus infantis, nondum utero enixi, matris saluti postponenda.
 9. Non dantur certa criteria virginitatis.
 10. Medicus qui discernit, ubi sit agendum, et ubi exspectandum, vera pollet arte hypocratica.
 11. Nosocomium necessaria medico juveni Sparta.
-